




Lus Cob Qhia Thov

Wisconsin Cov Kev Pab Rau Kev
Noj Qab Haus Huv, Kev Noj Haus,
thiab Lwm Cov Kev Pab Cuam



Yog koj muaj ib txoj kev tsis taus thiab xav tau cov ntaub ntawv no ua lwm hom, xav kom muab txhais ua lwm hom lus, los yog muaj lus nug txog koj cov cai thiab cov tes dej num, hu cuag lub chaw lis dej num hauv koj cheeb tsam (xyuas nplooj 15) los yog hu rau Member Services (Chaw Pab Tswv Cuab) ntawm 800-362-3002. Tag nrho cov kev pab txhais lus yog dawb tsis raug nqi dab tsi.

Zoo siab txais tos

Koj puas xav tau kev pab thov kev pov hwm them nqi kho mob? Puas yog koj tsis paub tseeb tias koj yuav ua li cas them rau koj cov khoom noj khoom haus lub hlis no? Koj puas xav tau kev pab them cov nqi zov me nyuam thaum koj mus kawm ntawv, ua hauj lwm, los yog koom ib txoj kev xyaum ua hauj lwm? Koj puas xav tau kev pab nrhiav ib txoj hauj lwm los yog txhim kho koj cov txuj ci kom rhais tau kauj ruam kev khwv noj khwv haus tom ntej?



Kev tu xyuas
kev noj qab
haus huv



kev zov me
nyuam



Kev noj haus



Kev ua hauj
lwm

Cov lus cob qhia no yuav qhia koj thov Wisconsin cov kev pab rau kev noj qab haus huv, kev noj haus thiab lwm cov txiaj ntsim kev pab thiab cov kev pab cuam. Txhua tus uas ua ntawv thov thiab pom tias tsim nyog tau cov txiaj ntsim kev pab los yog rau muaj npe koom ib txoj kev pab cuam.



Cov Sob Teem

Cov Txiaj Ntsim Kev Pab thiab Cov Kev Pab Cuam	4
Kev Thov Li Cas	7
Yam Koj Yuav Tau Thov	8
Kev Pab thiab Cov Tswv Yim	9
Kev Muab Pov Thawj	10
Cov Tsab Ntawv Uas Koj Yuav Tau Txais	14
Cov Chiv Keeb thiab Cov Hu Cuag	15
Koj Txoj Cai tau Kev Sib Hais Ncaj Nees	17
Kev Sau Ua Ke thiab Kev Siv Cov Ntaub Ntawv thiab Kev Ceev Ntiag Tug	20

Cov Txiaj Ntsim Kev Pab thiab Cov Kev Pab Cuam

Wisconsin muaj cov txiaj ntsim kev pab thiab cov kev pab cuam nram no los pab rau txoj kev noj qab haus huv, kev noj haus, kev zov me nyuam thiab kev ua hauj lwm. Xav paub ntxiv txog ib hom kev pab cuam twg, txuas mus xyuas:

- www.dhs.wisconsin.gov/forwardhealth/resources.htm.
- <https://dcf.wisconsin.gov/childcare>.
- <https://dcf.wisconsin.gov/w2/parents>.

Yuav muaj lwm cov kev pab flos yog cov tib neeg xav tau tej yam kev pab ntau dua cov txiaj ntsim kev pab thiab cov kev pab cuam ua piav qhia rau ntawm no. Hu cuag lub chaw lis dej num hauv koj cheeb tsam los yog ntau 211 kom paub meej ntxiv. Xyuas nplooj 15 kom paub hu cuag lub chaw khiav dej num hauv koj cheeb tsam.

BadgerCare Plus

BadgerCare Plus muab kev pab them nqi kho mob rau cov tib neeg hnuv nyoog 0–64 uas muaj nyiaj tsawg.

Txoj Kev Pab Cuam BadgerCare Plus Prenatal Plan

Txoj Kev Pab Cuam BadgerCare Plus Prenatal Plan muab cov kev pab them nqi kho cov kab mob kev nkeeg rau cov poj niam cev xeeb me nyuam uas thov tsis tau BadgerCare Plus vim yog lawv txoj kev tuaj nyob teb chaws los yog vim lawv nyob rau hauv tsev kaw neeg txhaum los yog tsev rau txim.

Badger Care Plus Emergency Services

BadgerCare Plus Emergency Services muab kev pab them nqi kho mob rau qee cov tib neeg uas thov tsis tau BadgerCare Plus vim lawv txoj kev tuaj nyob teb chaws los yog vim lawv txoj kev xam xaj tiam sis yog cov yuav tau kev kho mob tam sis.

Family Planning Only Services

Family Planning Only Services Program muab qee cov kev pab npaj tub ki thiab khoom tiv thauv muaj me nyuam yuam kev rau cov txiv neeg thiab poj niam.

FoodShare

FoodShare Wisconsin, puav leej paub nws hu ua SNAP (uas yog sawv rau Txoj Kev Pab Txhawb Rau Kev Noj Haus), pab rau cov tib neeg muaj nyiaj tsawg muas cov khoom noj khoom haus uas lawv yuav tau muaj thiaj noj qab haus huv.

Medicaid for the Elderly, Blind, or Disabled

Medicaid rau Cov Laus Neeg, Neeg Dig Muag los yog Neeg Tsis Taus muab kev pab them nqi kho mob rau cov tib neeg uas muaj hnuv nyoog 65 xyoos los yog laus dua, dig muag los yog tsis taus thiab muaj nyiaj los sis teej tug muaj nqis tsawg. Qhov no xam rau cov kev pab them nqi kho mob nram no:

- Supplemental Security Income (SSI) Medicaid
- SSI-txuas nrog Medicaid
- Medicaid Purchase Plan
- Wisconsin Well Woman Medicaid
- Kev tu xyuas mus ntev, nrog rau Family Care, Family Care Partnership, IRIS (Include, Respect, I Self-Direct) (Xam Nrog, Hwm Txog, Ncaj Raim-Rau Kuv), Program of All-Inclusive Care for the Elderly (PACE), Institutional Medicaid, thiab Katie Beckett

Family Care

Family Care muab cov kev tu xyuas mus ntev rau cov laus neeg muaj hnuv nyoog laus dua 65 xyoos thiab cov neeg laus muaj cov kev puas rau lub cev, lub siab ntsws los yog lub hlwb kom lawv nyob tau hauv lawv lub vaj lub tsev thaum twg tsim nyog.

Family Care Partnership

Family Care Partnership muab cov kev tu xyuas mus ntev, kev kho kab mob kev nkeeg, thiab cov tshuaj sau rau cov laus neeg muaj hnuv nyoog laus dua 65 xyoos thiab muaj cov kev puas rau txoj kev xeeb meej, lub hlwb los yog lub cev kom pab lawv ua tau lub neej ywj pheej raws li tsim nyog nyob rau hauv lub zej zog.

IRIS (Include, Respect, I Self-Direct) (Xam Nrog, Hwm Txog, Ncaj Raim-Rau Kuv) Program

IRIS cia cov neeg laus hnuv nyoog 18 xyoo los yog laus dua uas yuav tsum muaj kev txhawb tswj xyuas mus ntev rau lawv tus kheej.

Program of All-Inclusive Care for the Elderly (PACE)

PACE muab cov kev tu xyuas mus ntev, kev pab them nqi kho mob, thiab cov tshuaj sau rau cov tib neeg muaj hnuv nyoog laus dua 55 xyoos uas nyob rau hauv Cheeb Koog Milwaukee los yog Waukesha.

Institutional Medicaid (tuam tsev kho mob, tsev laus, tsev kho neeg puas hlwb)

Institutional Medicaid muab kev pab them nqi kho mob thiab nqi tu xyuas mus ntev rau cov tib neeg uas yeej nyob rau hauv ib chaw tu ntev tshaj 30 hnuv sib law liag los yog ntau hnuv dua los yog npaj yuav tau mus nyob rau ib lub chaw tu ntev li 30 hnuv sib law liag los yog ntau hnuv dua.

Katie Beckett Medicaid

Katie Beckett Program muab cov kev pab them nqi kho mob rau cov me nyuam yau dua 19 xyoos uas muaj cov kev tsis taus mus ntev los yog muaj cov kab mob kev nkeeg nyuab heev uas nyob nrog lawv lub tsev neeg.

Medicare Cov Kev Pab Txuag Nyiaj

Medicare Cov Kev Pab Txuag Nyiaj pab cov tib neeg muaj npe tau Medicare them rau qee cov nqi kho mob ntawm Medicare, nyob ntawm lawv kev muaj nyiaj thiab teej tug muaj nqis.

Qualified Medicare Beneficiary

Medicaid yuav them rau Medicare Ntu A thiab Ntu B cov nqi muas, Medicare cov nqi nrog muas kev pov hwm, thiab cov nqi lov rau them.

Specified Low Income Medicare Beneficiary

Medicaid yuav them rau Medicare Ntu B cov nqi muas.

Qualified Individual Group 1 (puav leej hu ua Specified Low Income Beneficiary Plus)

Medicaid yuav them rau Medicare Ntu B cov nqi muas.

Qualified Disabled and Working Individual

Medicaid yuav them rau Medicare Ntu A cov nqi muas.



SeniorCare

SeniorCare pab them rau cov tshuaj sau rau cov tib neeg muaj hnuv nyoog 65 xyoos los yog laus dua.

Tuberculosis-Related Services Only Benefit

The Tuberculosis-Related Services Only Benefit kam them rau cov kev kho kab mob ntsws tuberculosis ntawm cov tib neeg uas ntsuas pom muaj tus kab mob ntsws tuberculosis tiam sis tsis tsim nyog tau Medicaid.

Caretaker Supplement

Caretaker Supplement yog ib txoj kev pab nyiaj ntsuab rau cov niam txiv muaj nyiaj tsawg uas tau cov nyiaj SSI thiab yeej nyob nrog thiab tu xyuas lawv cov me nyuam.

Wisconsin Shares Child Care Subsidy Txoj Kev Pab Cuam

Txoj Kev Pab Cuam Wisconsin Shares Child Care Subsidy pab cov tsev neeg tau nyiaj tsawg them rau lawv cov nqi zov me nyuam kom cov niam txiv thiab lwm cov neeg tau kev pom zoo ua neeg tu xyuas mus ua tau hauj lwm, kawm ntawv los yog koom nrog cov kev qhia hauj lwm uas tau muaj kev pom zoo.

Wisconsin Works (W-2)


W-2 yog ib txoj kev pab nyiaj ntsuab thiab kev pab tswj lis ntaub ntawv mus ib ncuas luv luv rau cov niam txiv thiab cov poj niam xeeb me nyuam uas muaj nyiaj tsawg. Nws yog ib txoj kev pab txog kev ua hauj lwm rau cov neeg laus uas kam mus ua tej hauj lwm.



Kev Thov Li Cas


Koj thov tau cov txiaj ntsim kev pab thiab cov kev pab cuam saum huab cua, hauv xov tooj, hauv ntaub ntawv, los yog tim ntsej tim muag ntawm lub chaw lis dej num hauv koj cheeb tsam. Yog koj nyeem los sis sau lwm hom lus dua li Lus Askiv los yog lus Mev, koj yuav tau mus thov raws txoj kev hu cuag lub chaw lis dej num hauv koj cheeb tsam los yog ua cov ntaub ntawv thov.

Cov kev pab txhais lus, nrog rau cov kev txhais ntaub ntawv thiab txhais hais lus yog pab dawb tsis raug nqi dab tsi. Hu rau lub chaw lis dej num hauv koj cheeb tsam kom tau kev pab. Xyuas nplooj 15 kom paub hu cuag lub chaw khiav dej num hauv koj cheeb tsam.



Saum huab cua: Tsuas Muaj Lus Askiv thiab Lus Mev Xwb

Txuas mus rau access.wisconsin.gov. Xaiv “Apply for Benefits (Thov Cov Txiaj Ntsim Kev Pab).” Koj yuav pom cov kev pab rau kev noj qab haus huv, kev noj haus thiab lwm cov txiaj ntsim kev pab los yog cov kev pab cuam uas koj yuav thov tau raws li cov ncauj lus uas koj muab. Koj teeb tau tus account ntawm ACCESS kom txheeb raws koj tsab ntawv thov kev pab saum huab cua.



Xov Tooj

Hu lub chaw lis dej num hauv koj cheeb tsam kom thov tau hauv xov tooj. Xyuas nplooj 15 kom paub hu cuag lub chaw lis dej num hauv koj cheeb tsam.




Ntawv Xa los yog Xa Ntawv Hauv Xov Tooj

Luam tsab ntawv thov ua koj hom lus.

- **BadgerCare Plus and Family Planning Only Services:** Txuas mus rau www.dhs.wisconsin.gov/library/F-10182.htm.
- **FoodShare:** Txuas mus rau www.dhs.wisconsin.gov/library/F-16019A.htm.
- **Medicaid:** Txuas mus rau www.dhs.wisconsin.gov/library/F-10101.htm.
- **SeniorCare:** Txuas mus rau www.dhs.wisconsin.gov/library/f-10076.htm.

Ua raws cov lus qhia ntawm tsab ntawv thov kom xa tau. Yog tias koj muab xa hauv xov tooj, nco ntsoov xa ob sab nplooj ntawv tib si.



Tim Ntsej Tim Muag

Mus cuag lub chaw khiav dej num, ces tus neeg lis ntaub ntawv yuav pab koj ua tsab ntawv thov los yog ua tsab ntawv thov saum huab cua. Xyuas nplooj 15 kom paub hu cuag lub chaw lis dej num hauv koj cheeb tsam.

Yam Koj Yuav Tau Thov

Thaum twg koj thov txog cov txiaj ntsim kev pab los yog cov kev pab cuam, yuav hais kom koj qhia qee cov ncauj lus los yog tag nrho cov ncauj lus nram no ntawm ib tug neeg twg uas thov rau. Kev muaj cov ncauj lus no ntawm cev thaum koj thov yuav pab txoj kev thov mus yooj yim thiab ceev dua.



Kev Pab thiab Cov Tswv Yim

Mus Cuag Kev Pab Ntawm Lwm Cov Neeg

Txhua tus xws li tus phooj ywg, tus txheeb ze, los yog tus neeg nyob hauv zej zog yeej pab tau koj thov cov txiaj ntsim kev pab. Yog koj xav kom ib tug neeg los yog ib lub koom haum pab koj thov thiab tswj xyuas cov txiaj ntsim kev pab rau koj, koj los yog lub tsev hais plaub yuav tau xaiv lawv los sawv cev tam koj. Nram no yog cov neeg sawv cev uas xaiv tau los sawv cev tam koj.

Cov Neeg Muaj Cai Sawv Cev

Ib tug neeg muaj cai sawv cev yog ib tug tib neeg los yog ib lub koom haum uas koj xaiv los pab koj thov thiab tswj xyuas cov txiaj ntsim kev pab los yog cov kev pab cuam rau koj.

Koj xaiv tau ib tug tib neeg ua tus neeg muaj cai sawv cev rau koj yog koj ua tsab ntawv Appoint, Change, or Remove an Authorized Representative (Xaiv, Hloov los yog Tshem Tawm Neeg Muaj Cai Sawv Cev): Person (Tib Neeg), F-10126A. Txuas mus rau www.dhs.wisconsin.gov/library/F-10126.htm mus muab tsab ntawv.

Koj xaiv tau ib lub koom haum ua tus neeg muaj cai sawv cev rau koj yog koj ua tsab ntawv Appoint, Change, or Remove an Authorized Representative (Xaiv, Hloov los yog Tshem Tawm Neeg Muaj Cai Sawv Cev): Organization (Koom Haum), F-10126B. Txuas mus rau www.dhs.wisconsin.gov/library/F-10126.htm mus muab tsab ntawv.

Lwm Cov Neeg Sawv Cev

Cov neeg ceev xyuas, qee cov neeg muaj cai saib xyuas xws li tus neeg muaj cai xyuas av vaj tse, thiab qee cov kws muaj cai lij choj sawv cev xws li tus kws muaj cai lij choj tswj xyuas nyiaj txiag sawv cev tau tam koj thiab pab koj thov thiab tswj xyuas cov txiaj ntsim kev pab thiab cov kev pab cuam. Yuav nug kom lawv muab ntaub ntawv pov thawj txog lawv txoj kev sawv cev tam koj.

Xav paub ntiv txog cov neeg sawv cev txuas mus rau: www.dhs.wisconsin.gov/forwardhealth/representative-types.htm.

Cov Yuav Tau Khaws Rau Hauv Siab Thaum Thov Kev Pab

- Cov kev pab cuam muaj cov qib nyiaj txiag thiab kev cai rau npe sib txawv. Tib txoj kev kom paub tseeb tias koj tsim nyog tau kev pab yog koj ua ntawv thov xwb. Yog koj xav pom seb koj puas tsim nyog tau kev pab ua ntej koj ua ntawv thov, txuas mus rau access.wisconsin.gov thiab xaiv "Am I Eligible (Kuv Puas Tsim Nyog Tau Kev Pab)?" Yuav muaj ib co lus nug koj seb koj puas tsim nyog tau kev pab.
- Yog koj xav pom ib txoj kev pab cuam twg cov qib nyiaj txiag tau tam sim no, txuas mus rau www.dhs.wisconsin.gov/forwardhealth/resources.htm.
- Yog koj thov nyiaj muas noj FoodShare, koj yuav tsum tau muaj kev sib nug lus. Koj muaj tau txoj kev sib nug lus hauv xov tooj los yog tim ntsej tim muag ntawm lub chaw lis dej num hauv koj cheeb tsam. Koj hu tau rau lub chaw lis dej num hauv koj cheeb tsam tom qab xa koj tsab ntawv thov kev pab saum huab cua tag.
- Rau kev thov Medicaid thiab Caretaker Supplement, koj yuav tau qhia txog tej khoom muaj nuj nqis, thiab koj yuav tau muaj ntaub ntawv pov thawj txog cov khoom muaj nuj nqis. Npaj kom muaj koj cov ntawv teev qhia nyiaj txiag hauv txhab nyiaj yuav pab kom thov tau yooj yim thiab ceev dua.



Kev Muab Pov Thawj

Tom qab koj thov cov txiaj ntsim kev pab los yog cov kev pab cuam tag, koj xa tau cov ntaub ntawv los yog ntawv pov thawj. **Koj yuav tau txais ib tsab ntawv qhia cov ntaub ntawv pov thawj twg uas koj yuav tau xa** tom qab lub chaw lis dej num hauv koj cheeb tsam tshab xyuas tiav koj tsab ntawv thov.

Cov nram no yog cov qauv pov thawj ua piv txwv. Qee zaum, lub chaw lis dej num hauv koj cheeb tsam yuav muab tau pov thawj los ntawm lwm cov chaw, ces koj tsis tag yuav muab. Yog koj xav tau kev pab nrhiav ntaub ntawv pov thawj, hu rau lub chaw lis dej num hauv koj cheeb tsam.

Pov Thawj Kev Tsis Taus

- Tsab ntawv pom zoo los ntawm Disability Determination Bureau
- Tsab ntawv phaj tshab los ntawm Social Security Administration

Pov Thawj Ntawv Cim Tus Kheej

- Ntawv hlas nris Teb Chaws Asmeskas
- Ntawv tsav tsheb hauv xeev los yog xeev daim ntawv cim tus kheej
- Tsev Kawm Ntawv duab ID
- Chaw Hauj Lwm Ntawv ID
- Kev Tub Rog Ntawv ID
- Kev Tub Rog Ntawv ID los yog ntawv ua tub rog
- Ntawv rau npe koom pawg Neeg Xeeb Txawm Asmeskas
- Rau cov me nyuam yau dua hnuv nyooog 18 xyoo thov BadgerCare Plus los yog Medicaid, tsab Statement of Identity (Ntawv Cim Qhia Tus Kheej), F-10154 (Koj hu cuag lub chaw lis dej num hauv koj cheeb tsam kom tau tsab ntawv no.)
- Duab ID rau U.S. Citizenship and Immigration Services (USCIS)

Koj xa tau ntaub ntawv pov thawj ntawm MyACCESS qhov app hauv xov tooj, xa ua ntawv los yog xa ntawv hauv xov tooj.

Txoj kev xa ntawv pov thawj yooj yim tshaj yog nrog MyACCESS qhov app hauv xov tooj. Koj rub tau dawb qhov app los ntawm App Store los yog Google Play. Qhov app tsuas muaj ua Lus Askiv thiab Lus Mev xwb.

Lwm Cov/Ntawv Pov Thawj Cim Qhia Tus Kheej— Rau FoodShare Xwb

- Nawv pov thawj hnuv yug
- Ntaub ntawv pov thawj yug hauv tuam tsev kho mob
- Ntaub ntawv kev saws neeg
- Nyiaj check los yog tw nyiaj them
- Completed Application for a Social Security Card (Tsab Ntawv ua tiav Thov Yuaj Social Security), SS-5
- Cov ntaub ntawv kev hawm tswv ntuj los yog kev ua tswv cuab rau tsev teev ntuj
- Daim yuaj zwm npe xaiv tsa nom tswv
- Cov ntaub ntawv txog tsev neeg (cov phau ntawv qhia hnuv yug, kev txheeb caj ces, xov xwm tshaj kev yug me nyuam, ntawv sib yuav, cov ntaub ntawv yug noj yug haus los yog ntawv sib nrauj)
- Phau ntawv pov hwm siav
- Lwm cov ntawv ID ntawm cov kev pab cuam noj haus
- Cov ntaub ntawv ntawm koom haum kev ua hauj lwm los yog koom haum kwv tij
- Ntawv hloov npe hauv tsev hais plaub

Lwm Cov/Ntawv Pov Thawj Cim Qhia Tus Kheej— Rau FoodShare thiab Kev Kho Kab Mob Kev Nkeeg

Cov ntaub ntawv teev kab mob kev nkeeg (ntawv pov thawj tshuaj, kws kho mob los yog chaw kho mob cov ntaub ntawv, cov nqi)

Ntawv pov thawj U.S. Citizenship (Xam xaj Teb Chaws Asmeskas) rau Cov Laus thiab Cov Me Nyuam

- Ntawv hlas nris Teb Chaws Asmeskas
- Ntawv pov thawj hnuv yug hauv Teb Chaws Asmeskas
- Daim yuaj ID kev xam xaj
- Certificate of Citizenship or Naturalization (Ntawv Pov Thawj Neeg Xam Xaj los yog Pej Xeem Teb Chaws)
- Cov ntaub ntawv teev kev saws neeg
- Ntaub ntawv ua tub rog, ntaub ntawv hauv tuam tsev kho mob, ntaub ntawv pov hwm, los yog ntaub ntawv hauv tsev laus uas qhia qhov chaw yug hauv Teb Chaws Asmeskas
- Daim yuaj ID Neeg Xeeb Txawm Asmeskas los yog lwm cov ntawv los ntawm pawg neeg Qhab uas tsoom fwv teb chaws lees paub txog

Ntawv Pov Thawj Kev Tuaj Nyob Teb Chaws Li Cas (yog tias koj tsis yog ib tug neeg xam xaj Teb Chaws Asmeskas)

- Ntawv nyob ruaj teb chaws los yog “npav ntsuab”
- Certificate of Naturalization (Ntawv Pov Thawj Neeg Pej Xeem Teb Chaws)
- Txhua cov ntaub ntawv muab los ntawm USCIS, daim ntawv zwm npe neeg txawv teb chaws tus zauv (“A”), los yog USCIS tus zauv

Ntawv Pov Thawj Ua Tswv Cuab hauv Pawg Neeg Qhab thiab/los yog Neeg Xeeb Txawm Asmeskas los yog Neeg Xeeb Txawm Caj Ces Alaska

- Daim yuaj rau npe koom pawg neeg Qhab
- Ntawv sau txheeb meej los yog ntawv sau los ntawm pawg neeg Qhab qhia txoj kev koom nrog pawg neeg Qhab
- Certificate of Degree of Indian Blood (Ntawv Pov Thawj Qib Ntshav Neeg Qhab) uas muab los ntawm Bureau of Indian Affairs
- Ntawv suav pej xeem neeg Qhab
- Cov ntawv pov thawj hnuv yug, ntawv kho mob los yog lwm cov ntaub ntawv uas qhia tias tus tib neeg yog ib tus me nyuam los yog

xeeb ntxwv ntawm ib tug tswv cuab hauv pawg neeg Qhab

- Cov ntaub ntawv teev kab mob kev nkeeg los yog lwm cov ntaub ntawv qhia tias tus neeg ntawd yeej tsim nyog tau cov kev pab los yog yeej tau cov kev pab los ntawm Indian Health Care (Neeg Qhab Chaw Kho Mob)

Ntawv Pov Thawj Kev Yug Noj Yug Haus Rau Me Nyuam thiab/los yog Nyiaj Them los yog Tau Los Ntawm Txij Nkawm

- Ntaub ntawv tsev hais plaub txib
- Ntaub ntawv them nqi los ntawm lwm lub xeev

Ntawv Pov Thawj Cov Khoom Muaj Nqis

- Cov ntawv teev qhia nyiaj txiag hauv txhab nyiaj
- Cov ntawv tswv av vaj tse
- Cov ntawv sib cog lus
- Cov ntawv tswv av vaj tse Deed
- Cov ntaub ntawv teev qhia nyiaj txiag
- Cov phau ntawv pov hwm siv

Ntawv Pov Thawj Nyiaj Them los ntawm Hauj Lwm

- Cov tw nyiaj them rau 30 hnuv dhau los
- Tsab ntawv Employer Verification of Earnings (EVF-E) (Chaw Hauj Lwm Txheeb Cov Kev Khwv Tau Nyiaj), F-10146 (Koj hu cuag lub chaw lis dej num hauv koj cheeb tsam kom tau tsab ntawv no. Koj lub chaw hauj lwm yuav tsum teb thiab kos npe rau tsab ntawv. Xa tsab ntawv teb tiav rov rau qhov chaw nyob ntawm tsab ntawv.)
- Ib tsab ntawv sau los ntawm koj lub chaw hauj lwm (Yog koj xaiv kom sau tsab ntawv, nws yuav tsum muaj tib cov ncauj lus raws li tsab ntawv EVF-E.)

Ntawv Pov Thawj Kev Khwv Nyiaj Rau Tus Kheej

- Cov ntawv luam ua se
- Tsab ntawv Self-Employment Income Report (Ceeb Toom Nyiaj Khwv Tau Rau Tus Kheej), F-00107, los yog tsab ntawv Self-Employment

Income Report: Farm Business (Ceeb Toom Nyiaj Khwv Tau Rau Tus Kheej: Lag Luam Liaj Teb), F-00219

(Koj hu cuag lub chaw lis dej num hauv koj cheeb tsam kom tau cov ntawv no. Tsuas siv cov ntawv no yog koj tsis tau ua se rau koj lub lag luam khwv nyiaj rau tus kheej xwb.)

Ntawv Pov Thawj Lwm Cov Nyiaj Tau

Faj Seeb: Qee lwm hom nyiaj tau yog nyiaj yug txij nkawm, nyiaj yug noj yug haus rau me nyuam, nyiaj tsis taus los yog nyiaj them thaum muaj mob, nyiaj paj laum los yog nyiaj paj tau los ntawm nyiaj tso ua lag luam, cov nyiaj qub tub rog, cov nyiaj raug mob tom hauj lwm, thiab nyiaj poob hauj lwm.

- Ntawv teev qhia nyiaj laus Pension
- Luam daim nyiaj them tam sim no
- Tsab ntawv pom zoo them Nyiaj Poob Hauj Lwm
- Cov ntaub ntawv sib nrauj uas qhia kev hais haum nyiaj, nyiaj yug txij nkawm, nyiaj yug tsev neeg los yog nyiaj yug noj yug haus rau me nyuam
- Ntaub ntawv phaj tshab kev hais haum hauv tsev hais plaub
- Tsab ntawv phaj tshab tau nyiaj laus
- Tsab ntawv phaj tshab Veterans Affairs
- Tsab ntawv phaj tshab kev them nyiaj
- Tsab ntawv phaj tshaj kev pab nyiaj
- Cov ntaub ntawv ua se qhia cov nyiaj tsis yog khwv tau
- Ntaub ntawv los ntawm lwm hom nyiaj tau
- Ntawv Pov Thawj Kinship Care (Tsev Neeg Tu Xyuas), Foster Care (Niam Qhuav Txiv Qhuav Tu Xyuas), los yog Subsidized Guardian (Neeg Saib Xyuas Nyiaj Pab Them) los yog nyiaj them rau ib tug neeg tu xyuas ib ntus (lub chaw tiv thaiv me nyuam hais ua lus los yog sau ua ntawv txheeb meej)

Ntawv Pov Thawj yog Neeg Pej Xeem Wisconsin

- Ntawv khiab tsev nyob, ntawv cog lus khiab tsev nyob, los yog ntawv pov thawj them nqi los yog tsab ntawv qhia los ntawm tswv tsev uas muaj qhov chaw nyob tam sim no

- Ntawv pov thawj them nqi txais muas tsev uas muaj qhov chaw nyob tam sim no
- Daim nqi hluav taws xob thiab/los yog nqi xov tooj uas muaj qhov chaw nyob tam sim no
- Cov tw nyiaj check uas muaj npe, chaw nyob tam sim no thiab lub chaw hauj lwm
- Ntawv pom zoo tau txoj kev pab vaj tse nyob pheej yig
- Ntawv pom zoo tau txoj kev pab kho vaj tse kom haum huab cua
- Daim ntawv tsav tsheb muaj tam sim no hauv Wisconsin
- Daim yuaj ID tam sim no hauv Wisconsin
- Ntaub ntawv zwm txog tsheb tam sim no

Faj Seeb: Cov tib neeg thiab cov tsev neeg tsis muaj tsev nyob tsis tag yuav tau muaj ntaub ntawv qhia txog lawv qhov chaw nyob tiam sis yuav tsum tau lees tseeb tias lawv yeej yog nyob rau hauv Wisconsin thiab yeej npaj yuav nyob hauv Wisconsin mus ntxiv.

Ntawv Pov Thawj Kev Kawm Ntawv

- Sij hawm kawm ntawv
- Ntawv ceeb toom txog qhab nia

Ntawv Pov Thawj Nqi Kho Mob

- Daim ntawv teev qhia txog nuj nqis los yog cov ntawv pov thawj them cov nqi kho mob ib yam zus
- Daim yuaj them nqi kho mob Medicare qhia Ntu B kev kam them
- Phau ntawv pov hwm pab them nqi kho mob uas qhia qhov nqi muas, nqi nrog muas, nqi nrog them los yog nqi lov rau them
- Qhov tshuaj los yog fwj tshuaj muaj daim nqi lo rau

Ntawv Pov Thawj Cov Nqi Lov Tawm Ua Ntej Se

- Cov tw nyiaj check
- Ib tsab ntawv sau los ntawm lub chaw hauj lwm

Ntawv Pov Thawj Cov Nqi Se

- Cov ntawv pov thawj them nqi
- Cov ntawv teev qhia nyiaj txiag hauv txhab nyiaj

- Cov tw nyiaj check
- Cov ntaub ntawv ua se xyoo dhau los

Ntawv Pov Thawj Kev Tu Tsis Taus Me Nyuam thiab Koom Tsis Ua Tau Yam Dej Num Pom Zoo

Ib tsab ntawv sau los ntawm tus kws kho mob, kws kho kev puas hlwb, los yog puas siab ntsws plov meej tias tus niam txiv yeej tsis muaj peev xwm tu xyuas tau me nyuam thiab tsis muaj peev xwm koom ua tau yam dej num uas pom zoo

Ntawv Pov Thawj Cov Nqi Zov Me Nyuam

- Ib tsab ntawv sau teev los ntawm tus neeg zov me nyuam
- Daim nyiaj check uas tua siv tsis tau lawm
- Ntawv pov thawj them nqi los yog daim nqi

Ntawv Pov Thawj Chaw Nyob thiab/los yog Cov Nqi Hluav Taws Xob

- Cov ntaub ntawv them nqi txais muas tsev
- Ntawv pov thawj them nqi khiab tsev nyob
- Tsab ntawv teev qhia los ntawm tus tswv tsev
- Ntawv khiab tsev nyob
- Tsab ntawv pom zoo muab tsev pheej yig HUD rau nyob
- Tsab ntawv teev qhia se tsev
- Daim nqi hluav taws xob
- Tsab ntawv teev qhia los ntawm lub lag luam tso hluav taws xob
- Daim nqi xov tooj
- Phau pov hwm tsev muas los yog tsab ntawv teev nuj nqis
- WHEAP/LIHEAP los yog lwm txoj kev pab nqi hluav taws xob




Siv MyACCESS qhov app los yees thiab xa koj cov ntaub ntawv pov thawj.

Cov Tsab Ntawv Uas Koj Yuav Tau Txais

Tom qab koj ua ntawv thov tag, koj yuav tau txais cov ntawv xa tuaj. Cov ntawv no yuav qhia koj txog koj txoj kev thov cov txiaj ntsim kev pab thiab kev pab cuam lis txog qib twg lawm thiab seb lub chaw lis dej num hauv koj cheeb tsam puas tos dab tsi ntawm koj. Tej zaum koj yuav tau muab ncauj lus ntxiv, ua ib qho tes dej num, los yog muab ntawv pov thawj rau koj cov lus teb. **Nws tseem ceeb uas koj nyem ib tsab ntawv zus uas koj txais tau.**

Koj xaiv tau kom xa cov ntawv saum huab cua es txhob sau ntawv xa kiag tuaj rau koj. Kom xaiv tau txoj kev xa ntawv no, txuas mus rau hauv koj qhov ACCESS account ntawm access.wisconsin.gov. Yog koj tsis muaj qhov ACCESS account, koj teeb tau ib qho kom koj saib tau cov ntawv thiab cov tej ncauj lus txog koj cov txiaj ntsim kev pab thiab cov kev pab cuam nyob rau saum huab cua.



Cov Chiv Keeb thiab Cov Hu Cuag

Cov Txiaj Ntsim Kev Pab thiab Cov Kev Pab Cuam

Lub chaw lis dej num hauv koj cheeb tsam ntawm cheeb koog los yog ntawm pawg neeg Qhab teb tau cov lus nug txog cov txiaj ntsim kev pab thiab cov kev pab cuam, pab tau koj ua ntawv thov kev pab, piav qhia tau cov kev cai koom, thiab pab koj lis tiav kev sib nug lus rau FoodShare.

Cheeb koog cov chaw khiav dej num hauv Wisconsin yog faib uas 11 pawg sib txawv. Cov pawg chaw khiav dej num no yog hu ua koom haum lag luam.

Puav leej muaj cuaj pawg neeg Qhab chaw khiav dej num hauv Wisconsin thiab. Yog tias koj yog ib

tug tswv cuag ntawm pawg neeg Qhab, hu cuag lub chaw lis dej num hauv koj cheeb tsam hauv pab pawg. Yog koj pawg neeg Qhab tsis muaj lub chaw khiav dej num, hu rau lub chaw khiav dej num hauv cheeb koog uas koj nyob rau.

Cov lus teeb nram no teev qhia cov koom haum lag uam thiab cov koom haum pawg neeg Qhab raws cov tsiaj npe ntawv thiab qhia muaj cov xov tooj ntawm cov cheeb koog uas sib koom ua ib lub koom haum lag luam los yog pawg neeg Qhab. Hu rau lub koom haum lag luam loj tus xov tooj mus tham nrog lub chaw lis dej num hauv koj cheeb tsam. Piv txwv, yog koj nyob rau hauv Cheeb Koog Green Lake, koj yuav tau hu rau 888-256-4563.

Bad River Band of Lake Superior Tribe of Chippewa Indians	715-682-7127
Bay Lake	888-794-5747
<ul style="list-style-type: none"> • Brown • Door • Marinette • Oconto • Shawano 	
Capital	888-794-5556
<ul style="list-style-type: none"> • Adams • Columbia • Dane • Dodge • Juneau • Richland • Sauk • Sheboygan 	
Central	888-445-1621
<ul style="list-style-type: none"> • Langlade • Marathon • Oneida • Portage 	
East Central Income Maintenance Partnership	888-256-4563
<ul style="list-style-type: none"> • Calumet • Green Lake • Kewaunee • Manitowoc • Marquette • Outagamie • Waupaca • Waushara • Winnebago 	
Forest County Potawatomi Community	715-478-4433
Great Rivers	888-283-0012
<ul style="list-style-type: none"> • Barron • Burnett • Chippewa • Douglas • Dunn • Eau Claire • Pierce • Polk • St. Croix • Washburn 	
Lac Courte Oreilles Band of Lake Superior Tribe of Chippewa Indians of Wisconsin	715-634-8934
Lac du Flambeau Band of Lake Superior Tribe of Chippewa Indians	715-588-4235
Menominee Indian Tribe of Wisconsin	715-799-5137

MILES	888-947-6583
Milwaukee	
Moraine Lakes	888-446-1239
<ul style="list-style-type: none"> • Fond du Lac • Ozaukee • Walworth • Washington • Waukesha 	
Northern	888-794-5722
<ul style="list-style-type: none"> • Ashland • Bayfield • Florence • Forest • Iron • Lincoln • Price • Rusk • Sawyer • Taylor • Vilas • Wood 	
Oneida Nation	800-216-3216
Red Cliff Band of Lake Superior Chippewa	715-779-3706
Sokaogon Chippewa Community	715-478-3265
Southern	888-794-5780
<ul style="list-style-type: none"> • Crawford • Grant • Green • Iowa • Jefferson • Lafayette • Rock 	
Stockbridge-Munsee Community	715-793-4032
Western Region for Economic Assistance	888-627-0430
<ul style="list-style-type: none"> • Buffalo • Clark • Jackson • La Crosse • Monroe • Pepin • Trempealeau • Vernon 	
Wisconsin's Kenosha Racine Partnership (WKRP)	888-794-5820
<ul style="list-style-type: none"> • Kenosha • Racine 	

Cov Kev Tu Xyuas Kab Mob Kev Nkeeg

Rau cov lus nug txog cov kev kho uas kam pab them los ntawm BadgerCare Plus thiab Medicaid, hu rau Member Services ntawm 800-362-3002.

SeniorCare

Rau cov lus nug txog SeniorCare, hu rau SeniorCare Customer Service tus xov tooj kub ceev ntawm 800-657-2038.

Yog fias koj yog ib tug laus neeg los yog muaj ib txoj kev tsis taus, koj lub chaw pab kev laus zus thiab kev tsis taus (ADRC) yuav muaj cov ncauj lus qhia txog ntau yam kev pab cuam thiab kev kho thiab yuav pab kom koj nkag siab txog ntau yam kev tu xyuas mus-ntev uas muaj rau koj.

Xav paub txog koj lub ADRC, txuas mus rau www.FindMyADRC.com.

Koj Txoj Cai tau Kev Sib Hais Ncaj Ncees

Txhua lub sij hawm uas muaj txoj kev tsis kam muab kev pab, txo tsawg los yog txiav tu koj cov txiaj ntsim kev pab thiab koj xav tias lub chaw lis dej num hauv koj cheeb tsam ua yuam kev, hu cuag lub chaw lis dej num hauv koj cheeb tsam. Yog lub chaw khiav dej num tsis pom zoo, koj thov tau tus neeg lis hauv lwmm hauv lub chaw kom pab koj thov lub rooj sib tham ua ntej yuav mus sib hais thiab thov kom muaj lub rooj sib hais ncaj ncees.

Roos Sib Tham Ua Ntej Yuav Mus Sib Hais

Tej zaum koj yuav muaj kev sib hais haum nrog lub chaw khiav dej num los ntawm lub rooj sib tham ua ntej yuav mus sib hais uas tsis tag tos kom muaj lub rooj sib hais ncaj ncees. Nyob rau hauv lub rooj sib tham, koj qhia tau koj sab dab neeg.

Lub chaw lis dej num hauv koj cheeb tsam yuav piav qhia seb yog vim li cas thiaj li txiav txim tau li ntawd. Yog lub chaw khiav dej num pom tias nws tau ua yuam kev, nws yuav hloov nws txoj kev txiav txim thiab kho kom yog. Yog lub chaw khiav dej num txiav txim tias nws thawj txoj kev txiav txim yeej yog lawm thiab koj yeej tseem ntseeg tias lub chaw khiav dej num tsis yog, koj muaj txoj cai taug raws cov txheej txheem kev sib hais ncaj ncees.

Faj Seeb: Txoj kev pom zoo muaj lub rooj sib tham ua ntej yuav mus sib hais tsis cuam tshuam rau koj txoj cai muaj tau lub rooj sib hais ncaj ncees. Koj thov tau lub rooj sib hais ncaj ncees thiab yog koj txaus siab rau txoj kev txiav txim ntawm lub rooj sib tham ua ntej yuav mus sib hais, koj tso tseg tau lub rooj sib hais ncaj ncees.

Roos Sib Hais Ncaj Ncees

Lub rooj sib hais ncaj cees muab caij rau koj qhia rau ib tug kws mloog plaug ntug tias vim li cas koj thiaj xav tias txoj kev txiav txim rau koj tsab ntawv thov kev pab los yog cov txiaj ntsim kev pab tsis yog lawm. Nyob rau saum lub rooj sib hais, tus kws mloog plaub ntug yuav mloog koj thiab mloog lub chaw khiav dej num kom paub tias txoj kev txiav txim yeej yog lawm los yog tsis yog. Koj coj tau ib tug phooj ywg los yog ib tug neeg hauv tsev nrog koj mus koom lub rooj sib hais. Tej zaum koj puav leej yuav tau kev pab txog kev cai lij choj dawb. Mus xyuas Kev Pab Txog Kev Cai Lij

Choj ntawm nplooj 19 kom paub meej ntxiv.

Thaum Twg Thiaj Siv Cov Txheej Txheem Roos Sib Hais Ncaj Ncees

Cov qauv ua piv txwv rau thaum twg thiaj thov lub rooj sib hais ncaj ncees yog muaj raws li nram no:

- Koj ntseeg tias txoj kev tsis kam muab kev pab raws li koj tsab ntawv thov yog tsis ncaj ncees thiab yog ua yuam kev lawm.
- Koj cov txiaj ntsim kev pab raug tshem tawm ib ntus, txo tsawg los yog txiav tu thiab koj xav tias nws yog ua yuam kev lawm.
- Yog koj tsis pom zoo txog cov txiaj ntsim kev pab npaum li cas rau koj.
- Yog tsis ua suab sab txog koj tsab ntawv thov kev pab tom qab 30 hnub.

Ua tib zoo nyeem ib tsab ntawv zus uas koj tau txais kom pab koj nkag siab txog txoj kev txiav txim. Yog qhov laj thawj hloov koj cov txiaj ntsim kev pab yog tim tsoom fww teb chaws los yog lub ceev txoj cai kom hloov, Division of Hearings and Appeals (Tuam Fab Lis Cov Roos Sib Hais thiab Kev Txiaj Txim Dua) yuav tsis tag muab lub rooj sib hais ncaj ncees rau koj.

Kev Thov Lub Roos Sib Hais Ncaj Ncees

Hais kom lub chaw lis dej num hauv koj cheeb tsam pab koj thov lub rooj sib hais ncaj ncees, los yog sau ntawv xa ncaj qha mus rau:

Department of Administration
Division of Hearings and Appeals
PO Box 7875
Madison, WI 53707-7875

Koj muab tau tsab ntawv Fair Hearing Request (thov lub Roos Sib Hais Ncaj Ncees) saum huab cua ntawm www.dhs.wisconsin.gov/forwardhealth/resources.htm los yog hu rau 608-266-7709.

Yog koj xaiv txoj kev sau ib tsab ntawv los hloov tsab ntawv no, koj yuav tau muaj txhua nrho cov nram no:

- Koj lub npe
- Koj qhov chaw nyob
- Piav qhia me ntsis txog qhov teeb meem
- Lub chaw khiav dej num uas txiav txim los yog tsis kam muab kev pab
- Koj tus zauv Social Security
- Koj lub npe kos

Rau FoodShare, lub chaw lis dej num hauv koj cheeb tsam txais tau koj cov lus hais.

Rau txoj kev tu xyuas kab mob kev nkeeg, yuav tsum thov lub rooj sib hais ncaj ncees ua ntej 45 hnuv txij li hnuv txiav txim dhau los uas yuav txiav txim dua rau. Rau FoodShare, yuav tsum thov tsis pub lig dua 90 hnuv txij li hnuv txiav txim dhau los uas yuav txiav txim dua rau. Koj thov tau kom muaj lub rooj sib hais txhua lub sij hawm thaum koj tseem tau cov nyiaj muas noj FoodShare yog tias koj tsis pom zoo rau kev muab qhov nyiaj muas noj npaum li cas. Koj tsab ntawv rau muaj npe kawg nkaus yuav qhia hnuv uas koj yuav tau thov lub rooj sib hais.

Koj, tus neeg koj xaiv sawv cev rau koj (yog tias koj muaj ib tug), thiab lub chaw lis dej num hauv koj cheeb tsam yuav tau txais tsab ntawv faj seb luv kawg li 10 hnuv ua ntej lub sij hawm, hnuv thiab qhov chaw yuav muaj lub rooj sib hais.

Kev Npaj Rau Lub Rooj Sib Hais Ncaj Ncees

Koj muaj txoj cai coj cov neeg tim khawv, koj tus kws lij choj, los yog lwm tus neeg pab tswv yim tuaj rau hauv lub rooj sib hais. Lub Department of Health Services (Tuam Tsev Tswj Kev Noj Qab Haus Huv) yuav tsis them rau kws lij choj sawv cev rau koj, tiam sis lawv muaj peev xwm pab koj nrhiav tau cov kev pab txog kev cai lij choj los teb tej lus nug los yog sawv cev rau hauv lub rooj sib hais ncaj ncees.

Koj muaj txoj cai tshab xyuas tej ntaub ntawv hauv koj txhooj uas muab siv los txiav txim txog kev pab rau koj.

Koj los yog tus neeg sawv cev rau koj muaj txoj cai:

- Nug txhua tus uas tawm lus hauv lub rooj sib hais ncaj ncees.
- Nthuav koj cov lus tawm tsam thiab tej ntaub ntawv uas qhia tias vim li cas koj thiaj xav tias koj hais yog.
- Nthuav qhia ntawv pov thawj kab mob kev nkeeg yog tias lub rooj sib hais ncaj ncees txiav txim txog koj txoj kev tsis taus los yog koj rab peev xwm ua hauj lwm vim kev muag mob los yog raug mob. Lub chaw lis dej num hauv koj cheeb tsam yuav them rau cov nqi ntawv pov thawj kab mob kev nkeeg.

Yog tias koj hais tsis tau Lus Askiv, koj muaj txoj cai tau tus neeg txhais lus rau koj hauv lub rooj sib hais. Lub Division of Hearings and Appeals (Tuam Fab Lis Cov Rooj Sib Hais thiab Kev Txiaiv Txim Dua) yuav them rau cov nqi txhais ntaub ntawv los yog txhais lus rau koj yog tias koj nug txog.

Kev Tau Cov Txiaj Ntsim Kev Pab Txuas Mus Ntxiv

Yog tias koj yeej tau cov txiaj ntsim kev pab thiab koj thov lub rooj sib hais ua ntej hloov koj cov txiaj ntsim kev pab, koj yeej tau cov txiaj ntsim kev pab li qub mus kom txog thaum twg tus kws mloog plaub ntug txiav txim tiav.

Yog tias tus kws mloog plaub ntug pom tias lub chaw lis dej num hauv koj cheeb tsam yeej yog lawm, tej zaum koj yuav raug thim rov qab los yog them rov qab cov txiaj ntsim kev pab uas koj tau txais thaum lub sij hawm koj thov lub rooj sib hais ncaj ncees thiab thaum tus kws mloog plaub ntug txiav txim tiav rau koj.

Yog koj thov lub rooj sib hais ncaj ncees, koj yeej tseem yuav tau ua cov ntaub ntawv txuas kev pab raws cov sij hawm. Yog lub chaw lis dej num hauv koj cheeb tsam qhia rau koj ua ntej lub rooj sib hais ncaj ncees pib hais tias koj lub sij hawm rau npe xaus lawm, koj yuav tau rov ua ntawv thov thiab muaj raws li tag nrho txoj kev pab cuam cov kev cai kom txuas mus ntxiv tau koj cov txiaj ntsim kev pab. Yog tias txoj kev txuas kev pab mus ntxiv pom tias muaj tej yam hloov ntawm koj lawm, yuav hloov los yog xaus koj cov txiaj ntsim kev pab vim yog cov kev hloov.

Cov Muaj Feem Xyuam Los Ntawm Lub Roj Sib Hais Ncaj Ncees

Yog tias lub roj sib hais ncaj ncees txiav txim zoo rau koj, lub chaw khiav dej num yuav tsis tawm tsam koj dab tsi. Yog koj cov txiaj ntsim kev pab xaus lawm, koj yuav rov pib tau dua. Hnub uas koj yuav rov pib tau cov txiaj ntsim kev pab yuav teev qhia rau hauv tsab ntawv uas koj txais qhia txog lub roj sib hais ncaj ncees txoj kev txiav txim.

Yog lub roj sib hais ncaj ncees txiav txim tsis zoo rau koj, yuav ua raws li txoj kev txiav txim, thiab koj yuav raug them rov qab tej txiaj ntsim kev pab uas koj yuav tsum tsis tau. Nug lub chaw lis dej num hauv koj cheeb tsam txog tej kev txwv txiav ntawm txoj kev them rov qab cov txiaj ntsim kev pab.

Yuav tsis muaj lwm cov kev tawm tsam koj rau txoj kev thov lub roj sib hais ncaj ncees.

Rov Sib Hais Dua

Yog koj tsis pom zoo nrog txoj kev txiav txim los ntawm lub roj sib hais ncaj ncees, koj muaj txoj cai thov kom rov muaj kev sib hais dua yog tias koj:

- Muaj cov pov thawj tshiab uas tsis paub txog los yog tsis muaj rau koj ua ntej lub roj sib hais uas yuav pab hloov tau txoj kev txiav txim.
- Xav hais tias muaj ua yuam kev ntawm cov lus teev tseeb rau kev txiav txim
- Xav tias muaj ua yuam kev ntawm txoj cai kev txiav txim.

Yuav tsum sau tsab ntawv thov kev rov sib hais dua ua ntej 20 hnub tom qab hnub sau kev txiav txim los ntawm lub roj sib hais ncaj ncees tag. Lub Division of Hearings and Appeals (Tuam Fab Lis Cov Roj Sib Hais thiab Kev Txiaj Txim Dua) yuav txiav txim ua ntej 30 hnub txij li tau txais tsab ntawv thov yog tias koj yuav muaj lub roj sib hais ncaj ncees. Yog lub chaw khiav dej num tsis sau ntawv teb rau koj tsab ntawv thov ua ntej 30 hnub, yuav tsis kam ua raws li koj thov.

Kev Thov Txiaj Txim Dua los yog Kev Rov Sib Hais Dua

Yog koj tsis pom zoo raws li txoj kev txiav txim ntawm lub roj sib hais ncaj ncees los yog kev rov sib hais dua, koj yeej tseem thov tau lub tsev hais plaub ntug ntau yam hauv koj cheeb koog kom rov txiav txim dua. Yuav tsum thov ua ntej 30 hnub tom qab koj txais tau tsab ntawv txiav txim los ntawm lub roj sib hais ncaj ncees los yog ua ntej 30 hnub txij li hnub tsis kam muab lub roj sib hais. Txoj kev thov txiav txim dua hauv lub tsev hais plaub ntug ntau yam yog yuav tau ua tsab ntawv thov mus rau tus neeg lis ntaub ntawv hauv cov tsev hais plaub ntawm koj cheeb koog. Nws yuav zoo dua rau koj muaj kev pab txog kev cai lij choj yog koj txiav txim thov kev txiav txim dua hauv lub tsev hais plaub ntug ntau yam.

Kev Pab Txog Kev Cai Lij Choj

Tej zaum koj yuav tau kev pab txog kev cai lij choj los ntawm Wisconsin Judicare, Inc., los yog Legal Action of Wisconsin, Inc. (LAW). Xav nrhiav lub chaw hauj lwm nyob ze tshaj rau koj:

- Hu rau Judicare ntawm 800-472-1638, los yog txuas mus rau www.judicare.org.
- Hu rau LAW ntawm 888-278-0633, los yog txuas mus rau www.badgerlaw.net.



Kev Sau Ua Ke thiab Kev Siv Cov Ntaub Ntawv thiab Kev Ceev Ntiag Tug

Ntawv Faj Seeb Txog Kev Tsis Ntxub Ntxaug: Kev Ntxub Ntxaug Yog Kev Ua Txhaum Cai—Cov Kev Pab Cuam Rau Kev Noj Qab Haus Huv

Lub Wisconsin Department of Health Services koj raws li Tsoom Fwv Teb Chaws cov cai rau laj mej pej xeeb thiab tsis ntxub ntxaug vim yog haiv neeg, xim nqaij daim tawv, yug lwm teb chaws, hnuv nyoog, kev tsis taus los yog zej xeeb. Lub Department of Health Services tsis cais tawm tib neeg los yog koj txawv rau lawv vim yog haiv neeg, xim nqaij daim tawv, yug lwm teb chaws, hnuv nyoog, kev tsis taus los yog zej xeeb

Lub Department of Health Services (Tuam Tsev Pab Kev Noj Qab Haus Huv):

- Muab cov khoom pab thiab kev pab cuam dawb rau cov tib neeg muaj cov kev tsis taus kom sib txuas lus tau zoo nrog peb, xws li:
 - Cov neeg muaj peev xwm piav tes txhais lus
 - Txhais cov ntaub ntawv sau ua lwm hom (sau loj loj, kaw ua suab lus, siv tshuab qhib, lwm hom)
- Muaj cov kev pab txhais lus dawb rau cov tib neeg uas thawj hom lus tsis yog Lus Askiv, xws li:
 - Cov neeg muaj peev xwm txhais lus
 - Txhais cov ntaub ntawv sau ua lwm cov hom lus

Yog koj xav tau cov kev pab no, hu rau Department of Health Services tus tswj xyuas txog laj mej pej xeeb cov cai ntawm 844-201-6870.

Yog koj ntseeg tias lub Department of Health Services (Tuam Tsev Pab Kev Noj Qab Haus Huv) tsis muaj peev xwm muab tau cov pab no los yog muaj kev ntxub ntxaug lwm yam vim yog haiv neeg, xim nqaij daim tawv, yug lwm teb chaws, qib hnuv nyoog, kev tsis taus, los yog zej xeeb, koj ua tau ntawv tu siab mus rau: Department of Health Services, Attn: Civil Rights Coordinator, 1 West Wilson Street, Room 651, PO Box 7850, Madison, WI 53707-7850, 844-201-6870, TTY: 711, Xov tooj xa ntawv: 608-267-1434, los yog sau ntawv email mus rau dhsarc@dhs.wisconsin.gov. Koj qhia tau kev tu siab tsim ntsej tim muag los yog sau ua ntawv xa, xa hauv xov tooj los yog xa raws email. Yog koj xav tau kev pab ua ntawv tu suab, lub Department of Health Services tus tswj xyuas txog laj mej pej xeeb cov cai yuav pab tau koj.

Koj puav leej ua tau laj mej pej xeeb kev tsis txaus siab mus rau U.S. Department of Health and Human Services, Office for Civil Rights, xa hauv tshuab hluav taws xob mus ntawm Office for Civil Rights Complaint Portal, uas muaj nyob rau ntawm <https://ocrportal.hhs.gov/ocr/portal/lobby.jsf>, los yog ua ntawv xa los yog hais hauv xov tooj ntawm:

U.S. Department of Health and Human Services
200 Independence Avenue, SW
Room 509F, HHH Building
Washington, D.C. 20201
1-800-368-1019, 800-537-7697 (TDD)

Muaj cov ntawv sau kev tsis txaus siab nyob rau ntawm <http://www.hhs.gov/ocr/office/file/index.html>.

<p>Español (Spanish) ATENCIÓN: si habla español, tiene a su disposición servicios gratuitos de asistencia lingüística. Llame al 844-201-6870 (TTY: 711).</p>	<p>Deitsch (Pennsylvania Dutch) Wann du Deitsch (Pennsylvania Dutch) schwetzsch, kannscht du ebber griege as dich helfe kann mit Englisch, unni as es dich ennich eppes koschte zellt. Ruf 844-201-6870 uff (TTY: 711).</p>
<p>Hmoob (Hmong) LUS CEEV: Yog tias koj hais lus Hmoob, cov kev pab txog lus, muaj kev pab dawb rau koj. Hu rau 844-201-6870 (TTY: 711).</p>	<p>ພາສາລາວ (Laotian) ເຊີນຊາບ: ຖ້າທ່ານເວົ້າພາສາລາວ ແມ່ນມີບໍລິການຊ່ວຍເຫຼືອດ້ານພາສາ ບໍ່ເສຍຄ່າໃຫ້ທ່ານ. ໃຫ້ໂທຫາເບີ 844-201-6870 (TTY: 711).</p>
<p>繁體中文 (Traditional Chinese) 注意：如果您使用繁體中文，您可以免費獲得語言援助服務。請致電 844-201-6870 (TTY: 711)。</p>	<p>Français (French) ATTENTION : Si vous parlez français, des services d'aide linguistique vous sont proposés gratuitement. Appelez le 844-201-6870 (ATS : 711).</p>
<p>Deutsch (German) HINWEIS: Wenn Sie Deutsch sprechen, steht Ihnen kostenlos ein Sprachen-Service zur Verfügung. Tel.: +1 844-201-6870 (TTY: 711).</p>	<p>Polski (Polish) UWAGA: Jeżeli mówisz po polsku, możesz skorzystać z bezpłatnej pomocy językowej. Zadzwoń pod numer 844-201-6870 (TTY: 711).</p>
<p>العربية (Arabic) ملحوظة: إذا كنت تتحدث العربية، فإن خدمات المساعدة اللغوية تتوافر لك بالمجان اتصل برقم 844-201-6870 (رقم هاتف الصم والبكم: 711).</p>	<p>हिंदी (Hindi) ध्यान दें: यदि आप हिंदी बोलते हैं तो आपके लिए मुफ्त में भाषा सहायता सेवाएं उपलब्ध हैं। 844-201-6870 (TTY: 711) पर कॉल करें।</p>
<p>Русский (Russian) ВНИМАНИЕ: Если вы говорите на русском языке, то вам доступны бесплатные услуги перевода. Звоните 844-201-6870 (телетайп: 711).</p>	<p>Shqip (Albanian) KUJDES: Nëse flisni shqip, për ju ka në dispozicion shërbime të asistencës gjuhësore, pa pagesë. Telefononi në 844-201-6870 (TTY: 711).</p>
<p>한국어 (Korean) 알림: 한국어 지원 서비스를 무료로 이용하실 수 있습니다. 844-201-6870 (TTY: 711) 번으로 전화해 주십시오.</p>	<p>Tagalog (Tagalog – Filipino) PAUNAWA: Kung nagsasalita ka ng Tagalog, maaari kang gumamit ng mga serbisyo ng tulong sa wika nang walang bayad. Tumawag sa 844-201-6870 (TTY: 711).</p>
<p>Tiếng Việt (Vietnamese) CHÚ Ý: Nếu bạn nói Tiếng Việt, có các dịch vụ hỗ trợ ngôn ngữ miễn phí dành cho bạn. Gọi số 844-201-6870 (TTY: 711).</p>	<p>Soomaali (Somali) FIIRO GAAR AH: Haddii aad ku hadashid af Soomaali, adeegyada caawinta luuqada, oo bilaash ah, ayaa lagu heli karaa. Soo wac 844-201-6870 (TTY: 711).</p>

USDA Nqe Lus Teev Kev Tsis Ntxub Ntxaug

Hais txog rau tag nrho lwm cov khoos kas pab cuam khoom noj zoo FNS, cov chaw ua hauj lwm hauv lub lav los sis hauv cheeb tsam, thiab cov neeg tau txais kev pab cuam yuav tsum muab Cov Ntaub Ntawv Hais Txog Qhov Tsis Muaj Kev Ntxub Ntxaug hauv qab no tshaj tawm:

Raws li tsoom hww teb chaws txoj cai lij choj hais txog cov cai pej xeem thiab Teb Chaws Meskas Feem Hauj Lwm Saib Xyuas Kev Ua Qoob Loo (US Department of Agriculture, USDA) cov kev cai thiab cov cai hais txog cai pej xeem, lub chaw ua hauj lwm no raug txwv tsis pub muaj kev ntxub ntxaug vim yog saib raws haiv neeg, xim tawv nqaij, lub teb chaws yug, poj niam los sis txiv neej (xws li kev txheeb qhia tias yog poj niam los txiv neej thiab kev nyiam rau fab kev sib daj sib deev), kev xiam oob qhab, hnuv nyoog, los sis kev pauj kua zaub ntsuab los sis kev ua pauj rau kev sawv nqua hu cov cai pej xeem yav ua ntej.


Lub khoos kas no cov ntaub ntawv kuj yuav muaj ua lwm hom lus uas tsis yog lus Askiv thiab. Cov neeg xiam oob qhab uas xav tau lwm txoj hauv kev sib txuas lus los txais lub khoos kas no cov ntaub ntawv (xws li Cov Ntawv Rau Neeg Dig Muag, cov ntawv luam ua tus ntawv loj, cov suab kaw lus, Hom Lus Piv Tes Meskas, thiab lwm yam) yuav tsum tiv tauj rau Lub Chaw Ua Hauj Lwm hauv Lub Lav los sis hauv cheeb tsam uas yog tus saib xyuas lub khoos kas los sis USDA lub TARGET Center ntawm tus xov tooj (202) 720-2600 (kaw suab thiab TTY) los sis tiv tauj rau USDA dhau los ntawm Federal Relay Service ntawm tus xov tooj (800) 877-8339.

Txhawm rau ua daim ntawv tsis txaus siab txog kev ntxub ntxaug hauv lub khoos kas, Tus Neeg Tsis Txaus Siab yuav tsum ua kom tiav Daim Foos AD-3027, USDA Daim Foos Hais Kev Tsis Txaus Siab Hauv Lub Khoos Kas uas yog tuaj yeem mus muab tau nyob hauv online ntawm: <https://www.fns.usda.gov/sites/default/files/resource-files/ad3027-hmong.pdf>, muab los ntawm USDA txhua lub chaw ua hauj lwm, los ntawm kev hu rau tus xov tooj (866) 632-9992, los sis yog los ntawm kev sau ntawv rau USDA qhov chaw nyob. Tsab ntawv yuav tsum muaj tus neeg tsis txaus siab lub npe, chaw nyob, nab npawb xov tooj, thiab sau cov lus piv qhia qhov kev ntxub ntxaug uas koj tau iab liam kom ntxaws txaus los qhia rau Tus Tub Tuav Ntaub Ntawv Pab rau Cov Cai Pej Xeem (Assistant Secretary for Civil Rights, ASCR) hais txog qhov xwm txheej thiab hnuv fim uas muaj qhov kev yuam cov cai pej xeem uas raug iab liam ntawd tshwm sim. Yuav tsum muab daim foos AD-3027 los sis tsab ntawv uas sau tiav lawm xa mus rau USDA los ntawm:












- (1) **ntawv xa:**
U.S. Department of Agriculture
Office of the Assistant Secretary for Civil Rights
1400 Independence Avenue, SW
Washington, D.C. 20250-9410;
- (2) **fev:**
(833)256-1665 los sis (202) 690-7442; los sis
- (3) **xa email:**
program.intake@usda.gov.

Lub chaw ua hauj lwm no yog ib lub chaw uas muaj vaj huam sib luag.

Cov Koom Haum Tswj Xyuas Nyiaj Txiag Koom Haum Lag Luam thiab Pawg Neeg Qhab



Consortia:

 Bay Lake	 East Central	 Moraine Lakes	 Western
 Capital	 Great Rivers	 Northern	 WKRP
 Central	 MiIES	 Southern	



WISCONSIN DEPARTMENT
of HEALTH SERVICES

P-16091H
(03/2023)